

Noto, di la cruciata è stà trovà fin qui ducati 1300, et da Padoa si ave ducati 1300, si che si arà assai.

*Di Ravena, di 19.* Come il signor ducha non è restà di bombardar la rocha di Faenza, per via del bastion, e ha ruinà una de le do torre, che erano in capo de ditta rocha, suso i cantoni, l'altra l'hano meza frachassada, e tutti questi zorni non hanno fato altro cha bombardar, per modo che, tra el ruinazo di le torè e mure e fasine, tolle e altro che hanno butato ne la fossa, hanno *quodammodo* aterrà ditta fossa, et con le artillarie, che hanno nel bastion, che sono boche numero 14 tra canoni e falconetti, fano el dover de bombardar. Quelli di Faenza haveano messo su el reparo tre bandiere, una bianca con la testa de morto, l'altra con certa divisa, la terza con l'insegna dil signor di Faenza, le qual bandiere tute erano su el reparo de la rocha. El ducha fece eridar per el campo, che chi toleva la prima bandiera haveria ducati 200, la seconda 150, la terza 100. Fo deliberà sabato passato, a' 17 dil mexe, dar la battaglia general a la rocha; fo deliberà, che i taliani fosseno i primi; poi, per la erida fata di danari promessi a chi andava a tuor le bandiere dite, subito fo sisma *inter eos*, franzosi volseno esser primi per el vada-gno; *tamen* sabato non fo fato cossa alguna. Heri, che fo domenega, da poi manzar tuto el campo se messe in arme, et franzosi foreno i primi, qualli volseno montar su li reperi, e montorono. Quelli di la rocha i rebateno fin abasso. Visto per quelli dil campo, che franzosi erano mal menati, se mosse tutto el campo et apizò la battaglia per modo, che la durò hore 4 e plui. E quelli dentro si difeseno gajardamente, eridando, *Marco! Marco! Estor! Estor!*, *ita* che fonno morti et feriti de quelli del campo, più de 150, et hebeno de gratia de retrarse. Et quanto per zornata seguirà darà aviso.

9\* In questi zorni si ave letere di Traù, come turchi aveano fato incursiom e dipredato su quel contado.

*A di 22.* In quarantia criminal e zivil fo spazà sier Nicolò Zustinan, fo camerlengo in Candia, *quondam* sier Marin, intromesso per sier Lucha Trun, fu synico, *videlicet* preso, che 'l compia uno anno in prexon, in perpetuo bandito di Candia e de l'ixola, e per anni 5 di officij e rezimenti nostri, e restituir li danari tolti di le bolete comprade, quali siano di la Signoria nostra, si come serà cognosudo per il synico. Et a di 23 fo publichà tal condanaxion in gran conseio.

Da poi disnar fo pregadi. Fu letere di Portogal-

lo, di sier Domenego Pixani, orator nostro. Quel revol, con l'armata sua, farà *etc.*

*Da Corfù, di 7, dil zeneral.* Di Camali 0 dice. Fo *etiam* letere di Cypro, Damasco et Candia.

Fu posto, per il colegio, elezer in pregadi X, a l'oficio di X savij in Rialto; per do man di eletion et la banca. E fu preso.

Fu posto, per sier Marco Bolani, savio dil conseio, che li savij dil conseio e di terra ferma habino *solum* tre mexi di contumacia, *durante bello turcarum*, come prima; e fu preso. E si dovea far do savij, che manchava, dil conseio, in luogo di sier Domenego Morexini, procurator, e sier Antonio Valier, non erand intrati. Rimase *solum* sier Lunardo Loredam, procurator, sier Constantin di Prioli non passò di una balota, ni sier Antonio Trum, sier Filippo Trum, procurator, con titolo e altri senza titolo.

Fu fato scurtinio di uno provedador a Udene, in luogo di sier Alvixe Malipiero; e rimase sier Marco Zorzi, ma non andoe, perchè sier Polo Trivixan, el cavalier, andò al tempo debito.

#### 151 *Electo provedador a Udene.*

Sier Marco Marzelo, <i>quondam</i> sier	
Jacomo Antonio, el cavalier . . . . .	20.129
Sier Hironimo Loredan, fo provedador sora i officij, <i>quondam</i>	
sier Lorenzo . . . . .	19.128
Sier Zustinian Morexini, fo provedador a Pisa, <i>quondam</i> sier	
Marco . . . . .	32.114
Sier Alvixe Contarini, fo governador a Trani, <i>quondam</i> sier	
Andrea . . . . .	43.101
Sier Francesco Querini, fo retor e provedador a Cataro, <i>quondam</i>	
sier Andrea . . . . .	65. 83
Non † Sier Marco Zorzi, fo capetanio a Bergamo, <i>quondam</i> sier Ber-	
tuzi . . . . .	95. 55
Sier Francesco Venier, fo conte a Zara, <i>quondam</i> sier Alvise .	59. 86
Sier Lucha Querini, fo provedador a Corfù, <i>quondam</i> sier Marco	41.106
Sier Francesco Capelo, el cavalier, fo podestà et capetanio in Cao d'Istria . . . . .	57. 89
Sier Antonio Pixani, fo di la zonta, <i>quondam</i> sier Marin . . . . .	51. 96
Sier Alvise d'Armer, fo proveda-	